

# **Certificazion linguistiche de Lenghe Furlane**

**Simulazion de prove  
Nivel C1**

**Comprension orâl**

Comprension orâl

Nivel C1

## Informazions su la prove

Pe prove di comprension orâl e ven fate scoltâ ai candidâts une regjistrazion audio in lenghe furlane par dôs voltis.

Prime de scolte, ai candidâts ur ven consegnât il sfuei di lavôr cu lis domandis a sielte multiple, formuladis par furlan.

La regjistrazion audio si pues discjamâ:

- di chest [leam](#);
- te sezion di pueste de pagjine de certificazion linguistiche tal sît de ARLeF.

La regjistrazion audio e je stade gjavade fûr di un video dal canâl YouTube de ARLeF:  
<https://www.youtube.com/watch?v=5h1cWXLEpvg>

La gridele chi sot e furnîs altris dâts utii:

<b>Durade massime de prove</b>	15 minûts
<b>Minim dai ponts</b>	6
<b>Massim dai ponts</b>	10

Tes pagjinis seguitivis si ripuarte un esempi di prove.

Comprension orâl

Nivel C1

**1. Segne la rispueste juste daûr des informazions che tu âs scoltât te regjistrazion.  
Par ogni domande e je dome une rispueste juste.**

1. Pal intervistât, fevelâ di musiche populâr

- a) al è impuartant
- b) al vûl dî tabaiâ di musiche di tradizion orâl
- c) nol è mai stât sempliç
- d) al vûl dî fevelâ di musiche antighe

2. La musiche populâr e vignive

- a) puartade indenant in forme scrite, di pari in fi
- b) spes dismenteade parcè che no vignive trasmetude
- c) trasmetude a nivel intergjenerazionâl in maniere orâl
- d) sunade dome tes sagris di paîs

3. La civiltât contadine

- a) no je mai cambiade tal timp
- b) di cualchi deceni e je daûr a cambiâ
- c) e à fat fature a adatâsi ae modernitât, massime tai ultins decenis
- d) e je stade trasformade dal dut cualchi desene di agns indaûr

4. In dî di vuê, si rive a

- a) individuâ inmò cualchi segn de tradizion contadine
- b) cjatâ tantis olmis de tradizion contadine
- c) recuperâ i elements de tradizion contadine cu la inteligjence artificiâl
- d) evitâ la omologazion de tradizion contadine

Comprension orâl

Nivel C1

## 5. Tal Votcent

- a) la culture romaniche e à tornât a discuvierzi il cjant popolâr
- b) i cjants e i tescj de culture popolâr a àn pierdût di interès
- c) il Romanticism al à jevât il stât de culture popolâr
- d) il cjant al devente armonizât ma tai tescj no si doprin peraulis gnovis

## 6. Tai vincj agns dal Fassisim

- a) la tradizion popolâr e devente prestigjose
- b) il folclôr nol ven plui associât ae tradizion popolâr
- c) dome une part de tradizion popolâr e ven folclorizade
- d) la tradizion popolâr e ven sminuide une vore

## 7. Tal dopovuere, il moment plui impuartant di ducj pe evoluzion de tradizion popolâr

- a) al è stât massime cuant che i mieçs di comunicazion di masse si son slargjâts
- b) al è stât il boom economic
- c) a son stâts i agns Cincuante
- d) al è stât cuant che si à tacât a doprâ struments musicâi eletrics

8. I *mass media*

- a) a àn vût un impat bas su la musiche popolâr
- b) no àn incidût sul repertori musicâl
- c) a àn influençât la fruizion de musiche
- d) a àn modificât il nestri aparât auditîf

## 9. La omologazion de musiche popolâr e derive

- a) di sieltis politichis
- b) dal fat che la musiche si è globalizade
- c) de manciance di fantasie dai musiciscj furlans
- d) di fatôrs che no si à inmò rivât a capî ben

Comprension orâl

Nivel C1

## 10. Par rimontâ aes lîdrîs de musiche popolâr furlane

- a) si puedin scoltâ lis regjistracions cjapadis sù te metât dai agns Cincuante
- b) al baste lâ in Cjargne
- c) si varès di fâ une racelte sistematiche ator pai paîs dal Friûl
- d) aromai no si pues fâ nuie parcè che lis fonts a son ladis pierdudis

## 11. La gnove musiche

- a) e nas de tradizion classiche, tai agns Sessante
- b) e je leade a fuart cu la esperience dal taramot
- c) e lasse di bande la lenghe, la culture e lis lîdrîs de int furlane
- d) e vûl dismenteâ i agns dal taramot

## 12. Cul disvilup tecnologjic

- a) si è pierdût il patrimoni antîc de musiche popolâr, ma si è produsût alc di gnûf
- b) no si à rivâts plui a produsi musiche popolâr in maniere indipendente
- c) tancj a àn pierdût il gust di coltivâ la musiche popolâr
- d) la int e je stade buine di imbinâ te musiche popolâr la tradizion cu la novitât

Comprension orâl

Nivel C1

**SOLUZIONI DAL ESERCIZI****Esercizi 1**

1.	b)
2.	c)
3.	d)
4.	a)
5.	c)
6.	d)
7.	a)
8.	c)
9.	b)
10.	a)
11.	b)
12.	d)